普麗 俊善提心以 論順震



佛陀彌阿無南



功德持品第十二	空無相品第十一	如實法門品第十	般若波羅蜜品第九	禪波羅蜜品第八	毗梨耶波羅蜜品第七	羼提波羅蜜品第六	尸羅波羅蜜品第五	檀那波羅蜜品第四••••••••••••••••••••••••••••••••••••	願誓品第三	發心品第二	勸發品第一	目次	發菩提心論——天親菩薩
		四九	四四					······································		\\\\\\\\\\\\\\\\\\\\\\\\\\\\\\\\\\\\\\			一薩 造

勸 誓 有 行 發 所 大 菩 願 品品 敬 謂 方 等 畢 提 定 等 空 禮 第 姚 天 勸 心 莊 樂 最 不 無 秦 三藏 論卷 嚴 邊 修 上 動 親 妙 智 際 捨 集 法 蕃 身 無 法 上 摩 師 命 E 財 菩 得 鳩 薩 摩 攝 提 勒 能 造 伏 伽 救 去 羅 藏 世 來 什 貪 令 衆 菩 大 現 譯 法 修 生 薩 悲 在 尊 五 發 摩 佛 聚 深 訶 戒 廣 薩 化 之 心 所 導 建 修 犯 立

爲 行 斷 功 佛 分 等 著 定 禁 宣 別 苦 德 弟 無 爲 菩 若 行 衆 薩 薩 此 子 顯 量 示 知 畢 竟 受 方 甚 衆 說 道 生 丘 示 時 此 聞 持 悉 便 深 C 法 忍 乃 爲 丘 已 佛 令 助 空 修 辱 尼 乃 語 究 菩 行 調 至 求 無 竟 智 優 能 能 提 伏 法 相 慧 婆 瞋 故 發 爲 阿 法 行 偈 衆 塞 耨 淸 癡 善 m 心 稱 滅 淨 薩 僧 優 求 多 譜 除 發 生 得 婆 佛 演 羅 之 功 勇 祉 無 聞 夷 門 精 劫 說 智 德 明 = 藐 是 受 念 慧 法 當 使 入 進 諸 佛 以 者 爲 佛 如 安 法 = 勤 念 發 應 菩 種 實 此 示 衆 先 提 教 苦 法 心 切 不 法 諸 門 利 以 叉 故 稱 L 斷 生 喜 佛 佛 集 如 念 揚 L 有 離 當 諸 是 種 佛 善 諸 如 子 如 念 執 禪 來 之 若 是 種 不 欲

故 下 如 耨 月 故 頂 修 生 善 大 多 菩 劣 相 精 無 腽 根 雞 薩 嵗 修 海 求 進 德 始 念 三 所 乃 習 初 果 如 深 生 藐 漸 是 行 至 福 報 發 死 佛 起 ----德 等 大 無 百 亦 諸 法 苦 時 恭 歲 果 復 諸 願 苦 得 當 提 欲 所 報 無 佛 行 惱 回 令 知 故 督 百 量 大 大 故 耨 菩 皆 諸 諸 干 如 法 方 多 當 切 便 薩 爲 佛 心 萬 來 羅 摩 子 下 衆 劫 知 起 福 說 苦 藐 中 說 是 大 訶 生 德 言 薩 薩 -----E 皆 果 不 如 法 慈 菩 悲 價 能 諸 欲 初 住 報 無 提 豈 盐 苦 量 求 成 乃 ·始 無 爲 薩 發 生 况 大 無 至 可 無 斷 無 菩 法 說 復 最 邊 智 量 慧 無 價 提 忍 蓝 法 身 初 量 發 無 心 如 160 得 何 H 無 意 衆 量 見 勤 譬 加 以 心

FF 無 次 護 荷 是 爲 漸 寶 善 有 菩 持 法 梵 負 赳 初 珠 薩 禪 齊 志 淨 切 作 時 作 漸 當 限 發 定 刹 戒 無 依 所 起 等 心 利 犯 量 此 知 智 時 住 衆 處 當 慈 婆 匹 衆 慧 處 便 悲 爲 生 羅 重 落 此 生 之 知 界 杰 所 薩 所 爲 門 寶 便 首 尊 發 + 譬 毗 調 生 爲 皆 菩 Ŧi. 處 如 舍 奉 六 菩 人 從 首 虚 薩 復 = 提 有 趣 天 大 陀 寶 其 空 大 四 次 心 聲 海 亦 中 無 慈 謗 生 叉 聞 生 切 不 毀 復 所 如 無 正 緣 故 普 荷 量 IE 見 如 有 = 覺 菩 是 覆 負 邪 千 無 法 菩 薩 菩 諸 邊 作 大 見 初 切 薩 發 蓮 是 衆 依 魔 修 漸 千 諸 心 發 善 生 故 止 外 世 佛 亦 起 發 處 心 道 習 時 界 復 悉 亦 復 皆 切 心 沙 悪 普 如 初

復 典 界 盡 窮 有 恆 恆 三 各 千 千 衆 肉 故 燕 如 河 河 者 億 菩 是。 服 衆 大 生 沙 沙 無 作 薩 恆 千 阿 如 有 生 悉 切 世 對 無 河 共 僧 僧 齊 發 衆 界 聚 百 限 盡 心 沙 祇 祇 生 萬 衆 所 集 諸 亦 阿 諸 我 億 復 無 僧 共 佛 佛 有 今 生 祇 取 恆 世 如 不 衆 世 當 無 是 覆 諸 生 恭 何 界 界 承 塵。 者 佛 共 南 聖 故 無 沙 壶 ____ 菩 如 世 取 阿 末 四 旨 量 百 衆 界 僧 薩 無 爲 北 說 所 塵 萬 祇 其 發 邊 生 微 方 = 少 無 界 如 億 塵 有 四 心 千 有 無 是 等 地 恆 此 維 分 大 諸 衆 窮 量 種 東 胺 河 上 微 干 微 下 方 生 壶 無 轉 沙 塵 取 Sol 世 塵 各 盡 界 虚 邊 千 衆 空 不 都 + 僧 界 皆 干 可 億 祇 所 億 無 蓝 方 不 生

故 佛 是 譬 是 發 怖 說 衆 是 切 分 故 不 子 喻 者 心 品品 宣 是 菩 諸 退 說 如 毛 生 大 界 佛 菩 亦 提 不 滴 第 說 海 大 猶 爲 沒 提 不 心 於 當 令 無 心 盡 水 海 不 無 觉 衆 菩 假 可 有 量 知 水 盡 使 齊 回 是 H 薢 我 生 譬 今 普 限 掘 發 諸 僧 人 佛 所 使 不 决 也 如 祇 心 定 說 有 得 可 劫 於 若 悉 聞 讚 能 衆 盡 能 人 有 無 故 發 量 析 發 菩 遍 生 其 少 破 苦 有 功 菩 薩 覆 無 如 聞 邊 分 提 德 提 如 亦 是 亦 之 如 是 阿 毛 心 六 衆 復 以 等 不 心 是 僧 如 爲 假 生 祇 無 可 說 是 云 劫 百 纛 令 量 不 分 廣 其 利 無 驚 何 何 以 諸 演 不 盆 以 量 不

思 如 思 心 提 緣 具 能 善 惟 薤 心 我 惟 四 發 如 知 忍。 云 今 者 是 識 ----وآياد 慈 切 終 方 者 + 何 求 修 悲 供 ---養 發 成 過 最 習 法 湻 觀 世 盚 乃 諸 正 去 勝 身 無 厚 提 諸 未 過 佛 覺 果 E 能 深 佛 發 修 心 爲 來 苦 患 發 C 以 發 菩 發 提 集 現 平 無 河 等 大 菩 何 E 在 提 善 何 耨 尊 勇 諸 謂 因 心 提 多 信 根 樂 緣 猛 以 佛 思 心 羅 爲 志 四。 修 此 惟 求 各 初 = 大 者 藐 各 集 緣 始 諸 乘 正 菩 能 故 發 佛 慈 者 求 法。 = 得 提。 菩 發 心 復 愍 思 佛 心 常 衆 若 菩 惟 無 具 有 提 智 提 菩 柔 上 煩 五 諸 心 慧 生 菩 心。二 薩 惱 事 發 佛 復 岩 和 提 性 苦 發 有 人 遭 親 若 者 亦 者 菩 苦 提 四 能 近

過 度 事 臭 能 提 集 思 此 穢 興 患 切 生 故 苦 惟 菩 心 智 造 發 死 發 提 不 五 行 淨 塔 菩 皆 是 無 我 者 煩 切 生 量 提 今 思 惱 能 미 提 -----亦 厭 惡 心 惟 大 心 自 世 得 業 當 離 復 海 四 拔 諸 法 故 切 隨 佛 欲 有 我 者 超 我 學 五 亦 思 捨 ----出 發 亦 者 事 離 諸 世 惟 丈 ___ 大 應 故。二 自 佛 諸 夫 界 明 得 觀 慧 緣 佛 切 者 亦 我 緣 者 自 發 當 我 此 三 亦 於 此 身 自 事 大 能 世 觀 如 無 事 度 有 故 是 觀 我 精 諸 明 故 貪 我 身 發 進 緣 佛 當 觳 發 瞋 菩 身 五 菩 捨 此 爲 自 建 身 癡 提 提 九 陰 事 拔 立 人 心。三 命 勝 無 孔 四 心 故 中 濟 量 常 觀 大 財 發 綠 雄 1 者 流 身 煩 俱 求 菩 皆 此 積

修 五 造 惱 生 復 覆 爲 修 ___ 事 滅 者 習 惡 焼 習 修 有 能 業 是 然 習 見 故 故 五 爲 事。 者 輪 善 故 諸 미 匹 切 者 見 迴 捨 1 者 如 五. 來 諸 六 法 欲 愚 者 見 見 者 有 諸 如 趣 除 諸 欲 見 迷 見 戒 來 滅 諸 如 無 棄 諸 IE 如 定 利 故 導 來 來 相 捐 衆 如 益 好 四 爲 有 慧 法 故 來 生 + 解 身 莊 故 五 者 爲 修 有 常 者 自 習 力 脫 嚴 求 無 ----解 住 光 最 自 觀 明 故 切 匹 淸 明 勝 我 脫 觀 所 慈 智 無 縛。二 所 清 身 憐 知 淨 果 我 愍 見 無 徹 發 身 如 衆 愍 畏 者 淸 大 染 遇 菩 無 泡 衆 生 見 悲 淨 爲 者 提 明 如 發 生 修 沫 諸 苦 慈 法 除 心 所 衆 聚 惱 復 覆 念 提 悲 念 習 心。 故 普 常 念 處 爲 爲 有 生

生 見 業 邪 有 生 事 造 爲 者 怨 諸 几 道 不 衆 極 見 懀 衆 者 事 四 者 重 苦 信 諸 會 見 生 者 見 恶 因 所 衆 苦 爱 諸 見 者 纒 果 諸 五 0 常 生 别 衆 見 衆 諸 造 者 爲 起 離 諸 衆 作 見 者 生 生 嫌 愛 苦 憂 衆 爲 見 生 諸 悪 欲 嫉 業 而 悲 生 沒 癡 衆 諸 故 更 不 苦 畏 煩 爱 衆 生 復 造 覺 惱 者 所 生 惱 不 生 作 造 悟 見 憨 而 老 修 集 河 諸 常 怨 方 病 四 諸 受 E 不 恶。 集 造 便 衆 大 死 流 法 善 ---不 染 作 所 劇 不 業 生 無 者 善 著 無 求 漂 捨 苦 四 明 衆 見 業 四 所 有 解 離 者 0 諸 復 者 者 休 脫 苦 正 縛 見 衆 息 有 見 見 所 復 諸 m 法 生 四 諸 復 纒 諸 有 衆 信 事。 衆 知 者 造 復 受 衆 四 生

要 聞 不 改 四 潜 見 事 四 欲 四 能 悔 見 諸 者 正 者 生 衆 者 受 諸 見 苦 法 不 見 者 衆 諸 見 持 不 修 諸 生 見 而 ----衆 諸 知 正 衆 生 與 諸 不 修 衆 者 法 造 衆 生 謗 生 捨 見 善 復 毀 雖 欲 生 極 生 錐 ---修 諸 毀 不 大 悪 有 懷 者 樂 者 得 衆 四 聰 乘 犯 Fi. 苦 見 見 事 哲 方 重 非 生 無 造 諸 等 間 戒 諸 想 染 而 雖 非 習 衆 者 具 正 業 苦 衆 復 不 非 外 生 見 幽 法 凶 生 諮 雖 專 憂 息 想 道 値 善 頑 定 衆 造 佛 愚 自 懼 欲 苦 根 自 蔽 極 求 謂 身 出 illi 生 反 樂 自 重 修 世 生 執 猶 是 不 不 業 聞 於 方 放 悪 貢 生 涅 逸 復 具 槃 說 高 起 慚 永 八 善 難 愧 有 戒 離 IE 永 憍 足 慢 者 四 報 出 法 無 不

故 說 無 乾 蕃 願 令 ----離 旣 育 藐 上 者 初 慧 誓 無 盡 IF. 밆 菩 始 地 云 有 法 還 無 **墮** 發 提 先 何 菩 第 量 餘 迷 救 當 發 諸 心 無 提 於 ___ 塗 大 護 堅 趣 邊 佛 如 出 悲 度 落 固 苦 子 救 路 提 爲 脫 發 我 頭 爲 薩 首 然。 是 令 以 於 今 見 以 無 正 何 略 等 諸 業 願 悲 有 說 切 故 衆 攝 心 餘 發 行 初 衆 生 皆 受 成 故 行 大 生 無 令 能 就 菩 慈 有 明 發 究 切 菩 強 悲 造 苦 轉 竟 無 提 緣 惱 志 業 發 勝 者 長 無 量 事 求 衆 + 餘 發 心 我 夜 河 菩 大 涅 生 心 當 耨 受 薩 正 槃 我 若 苦 拔 多 願。 廣 是 求 住 捨 齊 羅

念 世 得 離 諸 處 所 根 何 者 常 守 念 謂 成 佛 願 諦 諸 施 護。二 就 增 佛 爲 假 國 得 我 與 長 得 菩 E 供 名 四 常 者 養 正 流 薩 者 世 切 得 者 法 布 五 願 願 世 無 願 智 解 通 所 邊 我 親 切 我 已以 得 衆 T 五 近 諸 迴 生 我 佛 向 先 第 者 親 隨 常 生 願 侍 繫 世 無 近 不 大 悉 及 義 佛 左 在 厭 生 菩 我 共 以 右 成 心 E 提 諦 無 心 迴 今 佛 隨 已 終 就 向 爲 如 如 身 衆 影 以 眞 菩 熨 我 不 無 實 薩 土。 此 忘 所 生 所 隨 上 失。 說 菩 種 性 應 形 善 五 得 者 爲 提 示 通 爲 根 善 無 令 根 教 已 刹 於 陀 正 我 願 即。 利 法 說 我 以 那 我 羅 喜 此 智 通 法 頃 得 切 尼 此 皆 遠 生 之 願 達 即 生 善

於 者 除 提 切 方 令 恆 名 行 發 衆 沙 開 於 願 無 心 諸 無 佛 解 諸 心 利 九 生 餘 正 我 菩 法 能 者 聽 世 七 願 盆 所 薩 荷 與 願 我 受 界 者 若 而 願 衆 十 無 負 無 我 法 正 供 所 能 養 量 者 大 JE 法 我 生 樂 已 行 閩 界 IE 法 令 諸 能 帥 딘 願 亦 捨 佛 盡 我 開 無 蜼 身 切 能 此 名 解 我 聽 命 + 不 行 衆 者 隨 受 願 潜 衆 大 行 財 即 轉 乃 正 生 正 爲 攝 發 得 凊 盡 願 法 法 生 受 菩 化 淨 巴 遍 捨 廣 الم 而 衆 衆 衆 無 衆 提 以 離 法 攝 生 生 所 生 心 輪 衆 佛 生 荷 已 行 界 界 不 切 + 生 神 常 實 攂 捨 如 負 煩 方 八 力 諸 受 隨 不 正 正 惱 世 者 遍 願 善 法 將 可 發 界 願 主 盡。 切 是 薩 護 苦 + 我

放 者 所 七 相 能 長 提 衆 我 品品 逸 不 行 故 知 善 因 生 此 者 應 漸 諸 取 衆 成 行 故 大 是 放 漸 萬 要 生 於 就 願 持 得 人 逸 言 善 諸 諸 Ξ 戒 亦 之 能 放 行 近 衆 + 心 是 無 修 逸 六 回 共 行 生 菩 有 六 之 故 盡 耨 相 波 勤 相 提 波 行 多 助 羅 智 教 復 八 因 蜜 慧 羅 羅 成 次 能 化 + 具 蜜 壌 若 是 是 隨 布 三 故 足 菩 藐 菩 善 善 禪 衆 菩 施 形 薩 產 根 ---提 提 定 是 好 善 發 菩 若 修 因 是 正 故 滿 菩 心 菩 提 習 因 具 菩 提 精 本 六 先 薩 諸 因 四 足 提 進 願 能 建 佛 是 故 攝 制 波 無 因 自 至 伏 子 羅 量 菩 知 忍 取 六 誠 蜜 求 己 心 諸 提 辱 文 隨 根 菩 調 因 是 切 法 十 决 其 伏 增 諸 不 提 性 善

諸 求 定 至 云 能 佛 有 佛 淨 何 誓 不 所 遮 五 立。 於 報 立 放 事 生 忍 如 鑙 未 者 普 慧 誓 來 逸 持 來 我 念 若 之 四 故 大 腷 人 世 即 慳 有 業 者 智 亦 悋 終 欺 人 力 尊 能 者 當 誑 之 來 破 能 不 必 心 種 堅 十 放 五 定 種 方 若 蓋 固 逸 世 不 生 求 其 Ŧi. 懈 成 心二 界 恶 索 誓 顯 者 怠 願 30 無 心 我 說 能 慢 者 量 耨 緩 如 於 力 功 勤 多 最 無 彈 爾 德 修 能 何 羅 邊 指 時 勝 證 行 制 以 六 伏 頃 阿 隨 故 藐 僧 波 以 有 煩 立 腦 祇 施 決 施 羅 蜜 ---定 書 因 與 現 誓。 者 提 在 緣 如 乃

實 誓 逢 若 羅 邊 戒 見 在 他 寒 境 阿 若 性 不 侵 我 忍 哲 藐 害 持 僧 精 隨 退 暑 我 祇 順 沒 乃 戒 進 不 王 ----心 苦 禪 受 暫 若 乃 現 悔 賊 至 提 在 智 恚 持 起 我 水 割 至 失 苦 諸 修 截 求 礙 於 非 火 善 常 佛 禪 净 師 命 陸 退 法 爲 以 於 報 沒 不 亂 子 生 建 想 外 虎 慈 立 十 未 者 亂 善 大 有 若 事 狼 愛 淨 來 我 想 願 所 誓 世 即 起 爲 我 無 心 誓 持 於 嬈 無 亦 無 修 水 欺 當 習 穀 悲 無 ---爲 不 IE 誑 見 法 必 + 智 得 處 礙 改 生 定 若 行 方 如 死 慧 攝 要 悔 以 若 世 彈 我 不 湟 觀 心 必 六 要 成 堅 修 我 界 指 槃 修 精 大 頃 不 切 必 強 201 無 繫 忍 誓 耨 量 m 起 其 進 法 遭 爲 制 多 無 以 如 念 心 ___

放 逸 心 必 能 精 勤 修 習 六 波 羅 蜜 成 阿 耨 多 羅三 藐

菩提。

檀那波羅蜜品第四

苦 是 云 布 何 施 菩 薩 則 能 修 莊 行 嚴 布 菩 施 提 布 之 施 道 若 菩 爲 産 自 爲 利 欲 利 調 他 及二 伏 衆 俱 生 令 利 離 如

心 愍 者 修 心 起 惱 是 尊 布 如 施 重 故 心 子 故 行 善 想 如 施 名 隨 修 父 所 流 母 行 布 須 師 施 隨 奥 長 者 所 善 於 心 生 喜 己 知 財 處 恭 識 敬 想 財 物 是 於 實 常 豐 貧 名 生 盈 菩 窮 拾 是 薩 下 心 名 賤 初 於 自 修 起 來 利 施 憐 求

能

令

衆

生

心

得

滿

足

教

化

調

伏

使

無

慳

恪

是

名

利

他

以

一八八

下 物 功 見 畏 盡 布 己 虎 名 所 狼 德 說 施 法 施 財 施 至 藏 獲 修 ----施 麨 水 說 斷 而 常 是 財 得 無 專 不 火 放 財 恪。 轉 相 施 盗 逸 四 物 名 施 過 大 縷 上 莊 輪 有 賊 倒 衆 施 惡 王 之 菩 以 嚴 五 至 是 菩 位 化 種 線 珍 薩 法 惡 提 播 諸 寶 見 過 施 若 名 衆 受 患 之 彩 法 者 象 已 者 道 能 分 勸 生 馬 施 若 至 令 別 施 切 爲 若 人 少 車 心 同 受 開 有 無 施 乘 有 稱 救 衆 戒 己 護 量 示 求 繒 利 種 者 帛 名 眞 修 衆 者 生 是 意 穀 怖 諦 出 生 信 無 之 畏 家 以 乃 名 隨 麥 畏 心 俱 施 義 至 所 衣 施 王 心 法 三者 讚 施。 利 得 須 服 自 者 爲 佛 因 師 蠰 與 飲 於 精 食。 修 進 邪 無 無 隨 是 財 子

常 財 菩 大 安 不 理 時 生 樂 謂 提 衆 得 害 施 故 如 求 衆 親 者 置 施 作 時 法 財 四 上 人 名 物 者 心 近 生 羅 不 也 妙 所 故 如 惱 機 以 自 宗 音 因 切 施 如 法 亂 網 手 菩 敬 賢 施 衆 樂 法 人 施 不 聖。二 女 莲 樂 求 四 以 物 生 五 財 之 者 施 不 色 施 不 者 人 者 好 之 持 以 不 人 淨 如 以 名 名 人 惱 法 施 以 故 衆 施 人 布 復 善 切 施 酒 施 譽 衆 獲 所 切 自 及 人 生 名 故 毒 施。 生 餘 壤 不 流 五 之 ガ 樂 淨 應 聞 種 -切 所 名 仗 十 切 施 切 不 心 方。 樂 聞 弓 復 施 以 能 故 施 以 見。三 善 箭 令 取 施 有 者 五 者 要 人 清 利 衆 不 五 非 者 言 以 亂 事 淨 能 謂 生 之 衆 者 得 非 爲 入 施 多

車 愧 食 戒 無 非 切 無 厄 施 定 故 乘 切 上 田 施 苦 諂 具 大 施 者 施 以 慧 施 愛 曲 得 熏 足 施 燈 若 呇 重 名 慈 命 悲 名 無 明 塗 以 提 寶 身 施 上 施。 辯 華 切 物 心 切 乘 色 施 具 故 施 名 開 施。 力 意 施 具 足 具 若 不 名 見 樂 佛 能 足 足 切 以 求 ----4 陀 貧 故 施 施 切 神 眼 果 人 窮 以 施 通 照 羅 欲 名 施 天 故 具 者 了 妙 居 衣 尼 施 以 善 切 憐 足 貧 服 七 施 ---成 愍 瓔 切 施 樂 施 少 覺 時 珞 諸 具 就 華 施 不 財 心 歡 清 喜 施 施。 法 無 故 名 觀 而 具 能 名 淨 性 漏 若 施 持 足 色 戒 故 果 以 已 切 用 切 施 八 以 除 故 香 毀 不 施 十 施 施。 象 戒 名 無 若 悔 志 隨 馬 以 具 求 田 見 慚 名

云 H 薩 施 形 苦 是 則 手 惱 持 何 羅 具 摩 足 具 好 心 舉 佛 菩 足 訶 故 能 是 戒 波 薩 薩 身 十 以 故 羅 檀 捨 則 那。 修 遠 能 修 蜜 力 珍 持 施 밂 寶 四 戒 莊 行 波 行 與 善 施 嚴 第 能 持 羅 布 無 修 心 蜜 施 具 菩 戒 畏 訶 持 五 無 足 持 故 責 戒 提 悋 不 大 戒 見 取 惡 者 之 惜 要 悉 道 若 財 爲 人三十二 行 言 毀 淨 菩 爲 物 得 之 禁。 自 薩 施 無 乃 切 者 利 於 爲 上 受 相 他 菩 小 身 欲 至 者 調 利 提 國 故 罪 口 及二 以 意 伏 以 度 城 中 業 衆 妻 衆 筋 無 心 於 俱 子 常 相 生 力 生 令 利 故 故 頭 僕 恐心 不 是 使 離 蕃 目 怖 善 如

四 他 兩 等 殺 戒 戒 所 是 生 古 威 所 因 有 獲 修 善 盗 名 受 緣 婬 得 向 芸 惡 儀 ----處 用 種 恭 及 行 離 苦 是 隡 口 不 綺 謹 其 欲 提 名 初 草 奪 語 詳 方 者 乃 戒 自 持 常 身 審 便 物 利 至 化 戒 ____ 盡 是 葉 命 諸 不 不 教 心 欺 不 以 不 者 漏 衆 化 修 名 身 與 杖 侵 成 衆 持 誑 口 生 0 戒 離 戒 他 最 不 木 令 生 持 取 瓦 財 者 同 令 故 間 正 覺 湿 和 叉 石 不 10 己 不 口 傷 是 合 亦 利 犯 離 戒 犯 持 害 誹 未 外 者 身 名 是 惡 衆 謗 嘗 莊 是 切 斷 色 戒 名 毁 生 叉 嚴 名 眄 者 俱 諮 除 呰 若 亦 苦 利 利 睞 永 悪 文 物 離 他 切 不 提 過 細 因 飾 妄 圖 爲 之 修 以 患 色 己 語 於 他 殺 切 道 持

所 修 ___ + 樂 諸 修 勸 辭 善 者 作 不 善 不 恶 輭 化 及 業 能 業 放 福 起 於 造 心 修 戒 徳 瞋 逸 戒 善 遮 方 輕 不 行 常 惱 有 是 八 煩 罪 作 便 惱 萬 見 具 五. 以 中 過 名 惱 四 足 四 事 化 衆 生 罪 口 觸 千 者 信 正 利 人 生 極 戒 於 益 常 成 是 無 念 已 重 持 人 分 量 就 想 修 生 言 罪 心 設 戒 別 淨 者 爱 業 慈 戒 則 四四 善 心 能 念 誤 心 得 至 者 作 悉 制 悪 憐 誠 五 心 除 惡 當 皆 者 恶 愍 滅 者 柔 知 果 行。二 攝 知 能 恩 恐 貪 報 輭 是 切 在 增 思 報 怖 欲 忠 者 是 + 人 長 恩 惟 信 四 憂 順 决 戒 能 善 名 力 悲 心 悔 言 戒 定 若 常 作 於 故 邪 心 無 中 能 人 戒 衆 善 慳 見 不 饒 心。 是 修 常 善 是 恡 生 造 益

磨 定 佛 名 拔 生 身 JE 善 定 之 從 共 持 共 後 念 善 厄 法 難 以 共 師 戒 戒 慈 世 心 故 見 戒 Ξ 故 能 心 不 更 M 受 共 爲 持 戒 不 聞 根 者 名 喜 救 故 作 覺 名 爲 本 無 心 護 名 四 波 漏 戒 切 惡 知 善 戒 衆 名 色 禪 羅 戒 戒 善 勸 持 生 無 聲 初 提 四 有 戒 樂 令 戒 作 禪 木 香 者 五 根 安 善 修 種 戒 味 未 叉 攝 本 善 樂 持 菩 到 戒 斷 觸 根 ___ 身 不 故 戒 薩 不 名 根 戒 者 懈 故 持 修 生 無 波 本 五 口 意 总 悲 戒 放 漏 則 四 者 羅 故 能 逸 戒 禪 心 不 無 提 惡 持 戒 利 與 名 守 四 作 能 木 捨 忍 益 聲 攝 攝 未 叉 制 戒 戒。二 心 受 聞 根 諸 到 白 戒 諸 切 切 辟 戒 根 禪 四 衆 怨 苦 者 支 捨 修 是 羯 不

是 於 除 不 離 無 故 辱 親 淸 瞋 持 根 因 依 厭 戒 平 惡 欲 是 不 禪 淨 悲 知 足 等 心 清 起 癡 界 常 戒 識 故 定 離 淨 諮 不 滅 戒 不 戒 持 柔 愛 戒 見 著 無 近 捨 親 離 恚 輭 離 不 不 明 色 色 近 欲 無 故 住 善 住 受 界 障 不 恚 持 我 想 善 疑 是 不 惡 癡 知 惠 慢 清 悔 住 八 行 識 長 故 施 憍 是 淨 禪 識 無 難 戒 持 戒 慢 清 假 戒 色 處 助 教 精 枝 增 淨 名 離 界 故 成 故 進 化 塔 Ŀ 戒 之 斷 是 善 持 戒 調 常 淸 慢 不 相 薩 提 智 善 伏 淨 慢 是 住 之 無 慧 業 諸 貪 慢 清 邊 戒 人 衆 上 戒 H 大 瞋 淨 不 捨 持 道 多 增 生 慢 癡 戒 逆 離 淨 故 聞 故 不 柔 不 因 欲 戒 持 善 退 持 和 繫 緣 遠 不 塵 者 根 還 忍

苦 是 羼 蜜 薩 想 寂 戒 善 云 惱 忍 何 提 修 生 滅 不 順 是 厚 塔 於 離 染 故 波 行 修 薩 羅 厭 世 淸 持 相 則 淨 修 離 諦 忍 能 蜜 戒 是 品品 淸 虚 辱 莊 不 勤 戒 行 修 見 淨 妄 嚴 第 利 忍 行 忍 淨 假 衰 苦 唇 善 戒 序 提 取 名 毀 忍 心 根 學 者 之 以 勇 要 順 辱 道 若 離 猛 言 於 稱 心 之 常 菩 眞 譏 爲 相 精 謙 乃 苦 薩 諦 自 故 進 樂 是 是 下 爲 利 是 至 清 他 清 不 不 欲 則 淨 淨 惜 以 切 調 利 具 衆 戒 伏 及 足 戒 身 傾 衆 P 嶅 命 不 動 生 剛 生 俱 羅 薩 觀 惱 是 淸 強 令 利 波 摩 無 不 淨 羅 詗 常 僑 離 如 熱

衆 順 忍 何 利 和 能 忍 F 慢 妙 是 若 岩 生 身 順 辱 分 捨 威 是 見 别 有 忍 相 名 故 M 罵 若 加 逼 好 俱 遠 名 說 不 他 是 邓心 誣 者 利 利 離 順 行 懼 他 衆 横 默 加 名 因 悲 見 雕 受 惡 莊 修 牛 以 以 和 惡 侵 忍 己 身 恶 誹 不 身 嚴 忍 所 果 者 報 代 毀 塔 謗 唇 心 獲 若 撾 修 安 皆 之 提 報 起 樂 之 當 有 打 得 無 差 游 III 端 非 乃 道 是 别 愍 忍 無 上 受 是 理 疲 至 忍 正 忍 名 心 傷 是 辱 辱 名 來 怠 自 言 人 常 化 名 詗 是 害 有 所 利 搭 100 宗 悉 口 責 名 諸 化 旌 柔 謂 敬 忍 能 衆 導 者 身 初 輭 身 衆 云 忍 當 乃 勸 忍 生 忍 云 受 口 令 化 何 輭 至 生 辱 意 意 見 話 何 得 同 背 修 心 忍。 云 善 附 諸 佛 令 修 口 己

故 若 衆 不 當 離 人 見 有 亦 應 說 緣 是 忍 諸 所 過 無 有 忍。 虚 過 义 會 過 應 悪 怨 瞋 者 叉 罵 誰 去 是 罪 生 若 者 瞋 無 者 受 宿 恭 故 人 名 心 者 預 亦 打 業 敬 嫌 意 若 不 有 亦 者 所 我 横 所 忍 懷 疑 阚 事 世 ___ 又 招 以 爲 恨 加 他 種 觀 猶 是 者 若 恶 彼 間 前 來 傷 如 有 亦 何 所 打 響 實 瞋 應 害 善 人 打 者 觸 ___ 聲 我 如 能 惱 忍 於 自 有 虚 復 應 我 亦 癡 我 教 其 應 當 種。 當 如 若 如 忍 誠 心 受 風 忍 說 狂 思 自 調 不 受 實 念 亂 過 我 思 伏 如 者 若 實 若 無 者 當 四 服 惟 於 瞋 ----損 我 愍 大 有 我 我 甘 之。云 者 彼 於 應 假 令 露 譏 今 者 我 生 合 無 我 於 横 毀 於 是 慚 何 五 罪 得 彼 若 心

者 種 物 伏 訓 切 分 未 修 生 離 修 姓 從 忍 伏 來 如 忍 ---世 於 因 復 唇 衆 是 不 知 當 皆 應 是 生 怒 者 緣 小 當 悲 破 有 是 觀 人 令 苦 生 墮 當 瞋 除 + 瞋 察 得 七 不 悪 事 應 能 者 憍 若 得 道 占 解 當 受 心 慢 緣 人 顏 脫 忍 不 四 得 深 者 形 貌 者 大 放 者 不 以 殘 切 觀 苦 端 我 逸。 惱 惡 觀 是 IF. 惡 即 往 顏 八 來 於 多 法 業 以 因 色 不 者 饒 成 是 不 緣 醜 因 我 能 捨 報 緣 及 智 惡 財 無 自 因 當 於 我 寶 ŀ 調 五 者 諸 緣 飢 者 所 應 根 人 果 伏 修 我 當 身 渴 觀 相 不 見 若 心 慈 深 苦 無 具 歡 有 悲 若 云 者 常 樂 修 乏 喜 智 何 憐 被 等 相 不 於 敬 治留 愍 忍 人 斫 事。 能 念 財 辱 仰 樂 截 無 者 合 死 是 相 入 九 知 是 分 相 生 和 名 無 空 是 者 合。 是 清 别 無 亦 願 無 人 斷 术 無 ----無 名 淨 無 相 能 除 相 清 莊 有 倚 作 瞋 畢 修 無 是 是 出 竟 嚴 淨 盡 悲。 願 於 諸 + 無 名 不 畢 結 忍 無 忍 見 竟 修 清 也 者 寂 作 可 菩 治 覺 淨 修 破 忍 滅 若 不 薩 壞 無 畢 也 入 習 諸 願 與 摩 發 若 챮 竟 作 不 結 見 訶 智 進。 慧 忍 可 性 結 皆 覺 薩 生 空。 終 也 壞 不 若 修 岩 願 死 者 自 不 皆 無 入 如 作 於 人 能 生 造 作 是 空。 寂 是 和 清 生 滅 非 合 成 不 不 如 淨 忍 可 從 是 如 作 不 者 不 如 畢 是 蓝 他 忍者 是 與 倚 是 無 竟 生 忍 所 如 盡 無 著 忍 + 是 ___ 者 倚 是 不 結 空 時 事 是 當 和 無 著 忍 生 相 無 若

				_		
			音	發	修	無
	也	析	釋	菩	行	生
	羼	分先		提	忍	忍
	भा क्ष	也擊		心	唇	如
	阿	切		論	性	是
	撾	数		卷	相	菩
	整砂	乾尺		上	盡	薩
	也瓜	极小			空。	修
	切	也切			無	行
		置			衆	是
		強子			生	忍
		智邪			故。	時。
		也切			是	得
		眄			則	受
		睞			具	記
		代眄			足	忍。
		切奠			羼	塔
		新旬			提	薩
		睞切			波	摩
		傍睞			羅	訶
		親落			蜜	陸

發 菩 提 心 論 卷

天 親 菩 薩 造

菩 進 修 薩 波 則 姚 精 能 修 羅 秦 ____ 莊 蜜 進 行 미미 藏 修 精 嚴 精 進 菩 第 法 師 精 進 提 七 者 之 進 鳩 道 於 若 癴 菩 爲 羅 切 廃 什 自 爲 利 譯 時 常 欲 他 利 勤 訓 及二 伏 修 衆 習 俱

行

捨

離

怠

慢

心

不

放

逸

於

諸

拟

難

不

饒

盆

事

心

常

精

勤

清

净

梵

生

令

離

利

如

苦

惱

故

是

精

K

何

毗

梨

耶

終

不

退

没

是

名

菩

遊

初

精

進

心

修

精

進

故

能

得

世

間

出

惱 修 立 故 覺 他 法 發 因 世 九 善 衆 不 是 修 以 間 心 者 者 七 生 思 勤 名 精 己 Ŀ 廣 念 者 诫 莊 進 所 Ħ. 行 妙 獲 諸 念 者 解 精 嚴 修 欲 善 邪 進 畜 念 脫 菩 得 蕃 拔 法 定 L ---是 生 行 评 提 轉 提 長 凇 大 者 衆 之 何 勝 名 ĪĒ 受 拔 悲 念 十 苦 道 清 因 自 衆 僧 令 拔 念。 精 淨 化 利 而 清 苦 反 諸 濟 起 進 妙 教 衆 精 衆 木 淨 者 有 果 化 者 苦 念 衆 八 無 進 超 生 佛 種 念 者 染 菩 六 越 令 生 者 同 諸 念 四 無 產 諸 令 者 地 諸 念 量 成 者 勤 地 己 獄 正 功 就 利 修 餓 念 爲 乃 備 定 善 德 + 是 鬼 行 求 至 是 受 飢 聚 大 無 速 名 念 燵 渴 勸 慈 者 乃 E 成 俱 名 煮。 安 道 熱 樂 念 能 正 利 利

佬 所 若 勤 滿 已 進 不 當 善 謂 是 能 钟 生 復 精 亂 勸 連 修 名 受 進 廣 勵 悪 有 日 如 信 能 菩 四 夜 精 於 法 邪 是 進 柳 事 勤 定 思 施 壞 速 戒 苦 切 令 所 修 衆 惟 如 + 忍 薩 切 是 除 謂 無 生 身 念。三寶 定 遠 斷 修 ----1 諸 修 有 未 休 悪 慧 離 大 煩 四 行 道 四 廢 惱 生 慈 悪 苦 正 功 悲 苦 爲 界 勤 善 Æ 是 時 喜 增 德 法 勤 名 我 欲 道 諂 當 安 方 道 能 我 長 捨 曲 而 未 起 拔 當 欲 邪 立 無 便 無 濟 修 作 諸 上 休 令 生 正 精 習 息 如 已 進 衆 苦 生 恶 念 慈 作 是 精 是 法 E 生 提 已 悲 進 思 當 生 遮 修 故 名 正 令 菩 惟 正 因 精 善 作 正 ihi 定 不 薩 專 法 精 苦 進 至 不 生。 精 念 我 薩 是 進 疲 修 心

者 四 於 勤 進 常 III 懈 護 退 教 事 精 沒 耨 行 懈 息 正 行 化 失 多 進 是 精 怠 法 精 之 羅 衆 者 身 當 勤 M 進 名 發 人 生 = 得 攝 命 應 精 無 云 藐 大 增 心 不 時 愛 進 悔 惜 莊 長 念 何 ____ 能 苦 於 不 定 嚴。 菩 菩 若 薩 諸 捨 不 蓮 分 善 菩 如 提 時 捨 錐 者 發 薩 别 法 菩 法 威 復 摩 薩 善 是 大 切 儀 及 積 不 常 莊 集 發 布 名 惜 拔 訶 悪 勇 大 是 菩 修 濟 薩 施 身 嚴 薩 衆 健 莊 故 善 命 精 於 不 說 能 修 法 苦 諸 三 嚴 進 然 者 而 增 言 持 菩 修 爲 如 生 六 上。 善 死 修 起 戒 提 拔 救 諸 道 法 濟 頭 心 精 波 忍 則 衆 善 於 能 進 能 羅 勤 時 然 衆 復 蜜 苦 堪 根 疾 行 心 心 救 忍 四 有 得 苦 精 無 不 力

Ξ

六

善 薩 過 集 祇 不 问 故 爲 計 耨 修 爲 爲 勇 劫 無 根 欲 健 劫 習 調 閩 當 化 量 精 多 善 數 成 伏 法 m 度 無 進 羅 衆 於 邊 趣 佛 菩 故 三 根 勤 藐 爲 道 無 同 生 精 薩 而 行 進 起 安 心 量 教 三 心 精 虚 化 菩 精 善 ıŁ 若 不 無 空 進 安 衆 邊 疲 是 界 衆 提 進 千 倦 如 止 生 百 名 菩 生 爲 是 大 千 所 於 於 薩 欲 教 M 發 善 萬 立 大 名 成 千 化 起 億 法 悲 世 誓 就 起 不 精 精 中 故 那 進 界 懈 進 我 當 衆 切 切 是 要 滿 莊 由 取 當 他 要 度 生 智 善 名 中 嚴 從 恆 盛 言 之 之 故 根 勇 精 是 之 無 性 健 是 火 進 河 悉 菩 有 名 菩 沙 不 以 精 火 爲 薩 薩 遺 修 進 見 如 可 迴 中 僧 積 修 餘 稱 習 向 菩 佛 m

ミセ

干行 云 膹 苦 是 禪 是 無 無 助 惱 禪 胜 何 波 量 量 則 道 定 菩 羅 住 故 具 無 無 功 脛 薩 蜜 邊 坐 修 則 足 腂 邊 徳 品 安 禪 能 修 臥 毗 善 菩 助 定 莊 产 智 般 係 第 蓬 梨 無 修 禪 摩 摩 數 念 嚴 八 耶 上 息 定 在 禪 菩 波 訶 訶 智 前 定 薩 慧 是 提 禪 羅 藝 之 定 修 發 名 者 逆 蜜 修 善 若 順 道 善 行 大 習 攝 爲 薩 觀 菩 莊 佛 精 初 察 薩 自 進 嚴 其 法 利 修 髑 心 爲 無 所 M 定 髏 欲 他 離 行 起 心 項 切 調 利 精 欲 精 及二 進 進 脊 伏 修 亂 心 臂 想 衆 亦 禪 拔 佛 俱 衆 定 肘 諸 不 生 復 故 令 胸 令 利 苦 如 功 故。 是 妄 離 脇 如 德

等 昧 聞 昧 利 受 時 利 我 思 慧。二 慧 他 衆 諸 云 是 是 不 轉 淨 佛 思 加 何 名 名 以 惡 從 念 法 閩 莊 俱 己 念 精 心 要 慧 所 常 念 勤 觀 思 嚴 利 慧。 察 菩 修 H 因 因 悅 生 如 所 樂 夜 多 清 滅 提 修 us-old ---閩 從 之 不 切 常 聞 禪 淨 是 定 久 有 樂 法 修 道 名 而 Ξ 得 慧 禪 獲 自 敗 爲 聽 昧 心 定 成 壞 法 法 常 從 得 離 利 就 愛 惡 而 如 無 是 由 八 教 覺 諸 實 作 樂 解 化 有 ____ Ξ 復 法 法 觀 衆 衆 相 厭 是 乃 足 念 生云 化 所 作 漸 生 生 至 已。於 是 憂 謂 是 漸 首 諸 令 悲 念 衆 修 名 而 何 棱 無 爲 常 聞 正 苦 無 生 嚴 生 慧。 念 = 惱 苦 切 礙 令 金 是 同 懀 云 求 切 剛 空 解 從 法 脫 己 名 爱 無 何 三

惱 覺 乃 蓄 無 無 大 精 性 所 質 觀 勢 繫 有 至 志 量 勤 个 觀 定 聖 O 願 苦 力 如 趣 但 惱 能 生 離 耨 進 佛 爲 無 幻 喜 多 求 衆 能 化 說 生 貪 智 樂 喜 羅 能 無 生。 勝 慧 見 悲 樂 入 者 癡 捨 思 上 如 如 魏 大 常 入 是 能 惟 是 火 禪 念 已 初 乘 = 知 如 所 至 受 是 禪 善 無 於 離 見 然 來 樂 喜 提。 滅 名 佛 畏 智 增 入 皆 思 故 覺 安 慧 切 長 無 慧 名 剽 = 行 觀 量 不 有 後 禪 内 捨 修 大 云 智 可 爲 世 淸 慧 見 城 斷 何 法 心 思 苦 苦 净 念 離 修 有 不 識 即 惱 安 慧 斷 欲 爲 復 大 心 不 生 慧 樂 轉 歌 不 從 法 可 厭 離 故 身 處 善 還 初 無 稱 無 受 覺 先 無 法 量 能 量 轉 有 樂 實 覺 滅 有 觀 苦 救 有 加

聲 覺 無 無 切 諸 通 無 過 明 喜 所 色 禪 聞 是 想 有 故。不 定 定 對 有 名 處。 切 辟 ____ 故二 昧 處 處 相。不 修 識 支 但 苦 佛 慧 過 隨 禪 知 相 者 共 菩 念 非 不樂。行 波 順 知 修 薩 切 何 羅 諸 有 無 定 等 虚 蜜 所 切 從 法 想 + 捨 復 不 空 是 行 非 有 别 味 次 聞 卽 念淨。入四 故 無 相 異 者 思 不 菩 想 入 m 知 相 薩 著。 修 安 故 修 無 不 無 定 捨 修 慧 樂 慧 邊 所 知 禪。過 定 離 有 著 識 精 即 無 無 復 染 有 勤 求 邊 入 無 即 心 吾 有 虚 攝 色 入 無 無 + 切 我 定 不 空 無 心 上 色 求 色相。 具 處 卽 非 法 則 乘 色 已樂 足 識 行 成 過 能 有 入 最 如 定 虚 不 成 滅 想 故。 處 來 與 就 非 切 正 空

使 慧 此 定 無 衆 界 知 禪 切 題 不 過 其 故 生 衆 者 定 無 衆 斷 諸 心 七 煩 修 C 世 作 住 生 寂 定 絕 者 懰 度 空 平 煩 故 間 修 滅 結 脫 具 定 無 等 惱 勝 如 到 故 諸 常 心 是 彼 相 وآراد 於 六 切 通 是 定 故 岸 無 得 者 諸 業 者 故 乘 H 名 是 自 修 衆 爲 定 無 爲 在 故 不 + 諸 生 知 定 作 修 諸 與 者 禪 具 故 衆 等 習 修 如 聲 ____ 足 禪 五 生 者 定 是 諸 閩 昧 _ 者 諸 等 則 禪 故 辟 能 昧 切 修 心 衆 定 定 定 支 興 九 諸 善 行 生 則 法 佛 IE 者 善 知 故 行 等 等 助 共 法 修 法 入 於 四 衆 定 復 於 成 紹 故 出 大 者 常 生 住 次 隆 公 八 過 悲 修 等 無 心 爲 入 \equiv 者 於 幽 定 寶 者 相 令 智 知 修 \equiv 諸 爲

諸 云 通 音 諸 衆 知 如 雜 則 生 佛 諸 聲 通 是 諸 何 若 於 世 思 若 修 法 世 爲 佛 知 智 界 * 惟 慧。 界 色 拎 行 知 方 入 諸 莊 入 他 禪 同 即 世 便 定。 禪 如 法 虚 法 嚴 心 慧 八 定 故 法 是 本 善 空 性 若 心 性 等 提 念 安 滅 時 相 解 云 是 道 不 m T 過 生 何 ık 亂。 場 大 音 去 名 不 爲 住 切 見 爲定。 是 若 離 結 慈 聲 通 證 諸 悲 云 遠 滅 能 名 心 世 佛 方 掘 復 不 所 離 行 逼 何 便 捨 性 爲 憤 次 界 作 是 至 其 同 誓 諸 復 菩 名 智 鬧 相 於 願 爲 莲 心 寂 佛 若 次 樂 智。云 滅 世 見 錐 虚 永 4 善 於 空 寂 界 隨 _____ 蓬 如 色 獨 金 何 世 是 修 世 相 觀 無 處 岩 所 剛 方 定 平 行 我 名 菩 莊 等。 無 爲 聞 具 薩 觀 便 不

摩 能 癡 苦 是 云 般 嚴 那 智 惱 何 若 同 分 建 智 波 訶 慧 V. 慧 差 别 故 菩 波 雞 薩 於 修 薩 修 說 蜜 别 慈 則 羅 寂 修 邪 心 智 蜜 能 行 滅 四 慧 莊 道 憐 ᇜ 智 禪 事 是 愍 修 嚴 定 IE 智 第 俱 名 善 慧。智 道 饒 智 九 爲 無 行 益 慧 提 及 慧 餘 得 善 之 是 者 慧 恶 近 悪 悉 道 若 切 名 阿 心 學 報 爲 以 衆 菩 菩 耨 是 生 薩 自 薩 不 多 常 名 利 爲 動 切 羅 修 菩 念 世 欲 他 法 行 _____ 薩 利 藐 禪 拔 間 故 調 及二 定 濟 伏 是 初 之 三 爲 事 衆 菩 智 則 通 俱 慧 作 捨 提 具 智 生 貪 1 將 令 利 足 菩 方 導 瞋 修 雕 蓬 如 禪 便 多 梵 無 心 放 漸 若 生 衆 智 過 常 觀 行 逸 建 智 令 慧 生 是 令 故 苦 + 同 患 修 心 立 遠 心 無 IF. 隨 名 己 得 __^ 何 雕 峰 我 因 智 順 謂 莊 利 調 伏 嚴 是 伏 寂 緣 心 教 ---無 + 明 是 修 誨 菩 煩 滅 觀 名 樂 當 除 明 俱 惱 不 提 名 心 淨 發 慧 利 非 聽 之 利 觀 煩 空 善 道 他 惱 伴 心 法 因 行 侶 聞 以 無 生 欲 菩 修 障 心 薩 己 及 相 諸 厭 聞 親 智 心 所 護 離 慧 智 無 波 法 近 修 修 慧 獲 諸 願 羅 心 無 善 行 障 蜜 友 得 無 善 無 觀 厭 智 是 念 善 作 慧 初 上 法 四 心 真 菩 自 有 名 欲 思 地 心 捨 自 伴 惟 觀 修 __ 提 稀 離 乃 侶 陰 督 十 + 化 利 心 憍 至 教 心 界 六 薩 諸 心 慢 行 L 化 抑 入 衆 觀 聖 婆 四 不 能

受 度 發 思 别 十 心 離 制 空 惟 身 衆 定 持 行 法 心 惡 等 真 不 生 無 慧 善 聞 Mi 法 ___ 捨 不 衆 根 思 實 不 菩 令 昧 復 廢 本 惟 斷 生 行 薩 除 思 藏 mi 次 思 因 我 求 心 斷 惟 不 果 惟 苦 人 樂 不 ___ 心 取 壽 思 産 不 無 與 切 奉 修 復 命 證 願 惟 捨 聲 佛 行 督 善 有 思 斷 聞 而 法 法 J. 正 常 入 十 惟 求 空 辟 自 心 法 ---諸 菩 ----而 無 復 令 支 利 禪 善 邊 提 佛 次 = 增 植 利 世 蕃 ---入 善 思 共 他 廣 不 昧 法 離 不 去 惟 何 薩 隨 心 門 而 懈 思 來 因 謂 修 順 雏 不 惟 何 思 住 緣 爲 行 修 增 質 法 進 謂 無 惟 十 智 生 禪 + 思 乘 作 慧 思 起 諸 無 生 復 惟 惟 Mi 相 諸 善 常 善 業 現 有 m 無 法 分 捨

雖 德 是 薩 患 切 而 我 見 諸 悉 能 觀 戲 不 而 而 觀 修 論 通 過 以 觀 不 證 不 智 去 迴 = 諸 離 捨 捨 切 盡 向 世 衆 illi 切 有 覺 欲 大 不 法 空 善 爲 法 悲 生 無 而 善 善 空 證 不 上 智 入 善 不 寂 無 慧 入 至 菩 法 捨 入 入 未 門 方 漏 力 提 無 捨 生 而 法 來 所 是 故 爲 便 諸 不 即 善 諸 M 名 若 能 法 欲 恶 捨 善 清 觀 樂 趣 入 常 菩 大 於 內 淨 善 慈 薩 修 Ξ 解 M 而 善 世 觀 善 遠 入 非 善 \equiv 不 世 觀 諸 離 思 業 入 法 根 捨 精 佛 空 Mi 量 法 故 觀 而 \equiv 勤 樂 不 世 生 所 無 不 有 證 種 切 不 方 所 住 爲 善 善 決 便 有 法 入 入 衆 無 懈 無 復 定 多 離 爲 捨 生 觀 量 若 善 作 菩 過 無 未 次 功 欲

薩 以 槃 眞 復 無 而 滅 滅 來 常 摩 爲 印 如 諦 次 其 未 法 訶 相 法 無 正 苦 不 來 心 錐 是 薩 相 定 界 遊 捨 未 不 無 應 名 是 邪 聚 忘 性 觀 至 生 定 眞 集 現 發 出 如 則 是 實 名 相 切 善 在 不 有 趣 學 智 爲 無 爲 善 根 不 菩 捨 慧 應 相 無 不 助 住 提 精 是 如 方 切 此 菩 爲 善 錐 進 是 便 法 中 有 提 如 名 願 我 行 即 般 漏 法 是 菩 向 無 無 是 如 若 法 無 我 薩 菩 不 觀 實 是 波 可 可 漏 名 觀 提 心 黑 雞 壤 名 不 菩 行 心 ---觀 者 鑑 印 法 實 薩 數 世 無 現 即 發 於 相 白 空 觀 法 方 在 菩 近 是 亦 法 不 生 便 法 ---空 世 30 提 印 無 生 滅 過 錐 世 方 散 耨 心 中 有 死 去 念 諦 壤 念 菩 亦 便 已 多 法 涅

羅 藐 = 菩 提 菩 薩 摩 訶 羅 蜜 薩 修 行 智 慧 心 無 所 行 法 性

如 淨 實 故 法 是 門 則 品品 具 第 足 般 + 若 波

若 善 提 善 者 男 應 子 離 善 七 女 法 人 何 修 等 習 爲 大 七 波 羅 者 蜜 離 求 惡 क्षा 耨 知 識 多 羅 恶 知 三 藐 識 者。

女 形 色 容 貪 著 貪 惜 嗜 爱 欲 重 狎 染 習 著 世 守 人 護 而 謂 與 可 執 久 事 保 四 者 離 者 離 於 於 惡 瞋 覺 恚 自

觀

所

謂

教

人

捨

離

上

信

上

欲

上

精

進

集

衆

雜

行。二

者

離

於

自 恃 小 善 輕 懱 於 人。六 者 離 於 外 道 書 論 及 世 俗 文

总

暴

慢

嫉

忌

興

起

諍

訟

壤

亂

善

心

五

者

離

於

放

逸

憍

慢

懈

世 頌 穢 四 法 近 知 菩 障 惡 出 藏 籬 提 佛 見 者 人 風 綺 寒 家 諸 者 當 道 飾 蕃 而 如 薩 所 熱 共 亦 波 修 如 是 言 應 當 謂 七 此 辭 血 從 羅 七 事 蜜 當 無 親 諸 法 七 法 非 常 ______ 法 近 佛 所 佛 미 亦 何 者 是 應 是 及 行 貪 謂 所 o 著 菩 和 故 菩 諸 遠 蒯 爲 說 離 忍 日 產 若 薩 善 七 菩 不 恭 當 應 薩 薩 應 法 善 如 敬 就 當 若 者 應 來 讚 離 知 當 柔 死 自 於 聲 菩 說 誦 識 宜 也。二 順 女 闡 莲 言 觀 遠 七 者 亦 思 形 色 人 當 離 不 勸 見 厭 及 能 若 不 如 者 親 應 他 雕 諸 令 更 糞 菩 近 欲 善 有 精 土 嗜 薩 菩 人 疾 親 薩 勤 但 令 欲 應 知 得 餘 近 住 修 盛 當 不 住 識 法 邪 無 道。 善 臭 與 深 忍 親 上 深 見

得 修 乘 窮 倡 以 忍 以 中 五 督 下 諸 無 見 命 故 辱 有 見 所 菩 及 見 有 Ŀ 第 者 精 薩 得 菩 危 菩 所 進 涅 慈 提 義 藏 苦 產 槃 悲 禪 於 得 應 應 佛 見 定 褯 者 喜 無 心 當 所 所 以 當 及 智 量 如 捨 讚 身 修 謂 慧 親 諸 [a] 是 施 督 實 法 代 得 當 僧 近 有 戒 之。 精 受 如 相 所 忍 見 知 祗 六 進 是 持 進 陰 劫 是 得 常 定 修 讀 者 見 七 相 界 人 菩 督 誦 生 法 入 不 無 即 智 慚 復 薩 相 等 見 離 慈 七 是 愧 次 見 悲 若 者 應 執 我 生 喜 善 敬 若 諸 當 著 取 見 死 修 奉 要 捨 菩 薩 心 人 人 不 薩 師 應 習 言 發 向 布 執 見 之 方 長 當 施 菩 欲 蕃 著 衆 憐 親 等 疾 佛 持 提 提 者 生 愍 心 大 逮 近 是 戒 法 見 何

習 若 心 無 即 心 何 善 名 雌 捨 有 無 相 提 者 邪 無 空 見 我 行 了 執 作 亦 若 亦 相 著 所 於 復 忍 無 者 無 心 人 辱 所 作 名 發 有 無 則 如 以 督 是。 者 不 人 執 者 意 菩 無 見 錐 悲 著 作 識 提 何 永 何 離 衆 了 邪 故 行 相 以 卽 心 應 見 生 若 故 是 出 布 無 於 要。 之 施 衆 諸 菩 識 當 是 錐 終 行 薩 陰 觀 人 生 善 心 不 見 意 察 不 輪 於 解 精 惡 相 能 轉 解 了 入 是 空 進 施 所 ----無 意 得 物 督 無 如 心 無 界 喜 果 是 有 界 空 阿 離 錐 耨 永 行 了 報 法 作 心 相 欲 £ 者 多 離 於 者 空 何 心 持 無 羅 所 等 出 戒 於 無 相 錐 有 是 要 使 者 命 習 行 不 藐 是 禪 切 作 心 見 於 慈 心 ----定 云 執 淨 所 了 法 者 無

世 如 無 ----邊 不 有 往 空 無 藐 著 昔 是 所 奪 無 百 除 千 善 修 相 智 三 惡 切 頒 慧 宣 菩 萬 修 亦 心 世 時 品品 億 其 間 佛 第 提 無 不 錐 正 得 十 阿 心 不 行 所 法 在 告 修 僧 於 難 迦 智 智 慧 闡 祇 爲 慧 諸 信 陀 劫 念 化 不 17 大 解 頃 衆 衆 見 不 無 竹 何 所 所 生 以 如 林 可 智 行。於 與 慧 窮 種 現 故 來 盡 所 善 行 行 色 諸 說 大 自 根 六 者 無 度 切 衆 然 如 諸 縛 褔 緣 無 法 無 得 德 而 是 皆 内 量 修 解 無 近 果 是 集 回 報 清 受 性 行 淨 智 想 空 會 耨 無 智 爾 多 行 慧 慧 行 量 無 時 羅 無 者 識 所 而 而

虚 相 無 向 法 名 身 念 無 空。 忍 念 無 是 無 離 無 觸 縛 所 意 悉 菩 故 縛 背 諸 無 無 見 薩 寫 名 念 無 無 法 念 解 亦 受 閩 空 縛 如 以 闇 亦 色 空。 衆 來 是 菩 故 復 想 無 無 薩 是 空 生 十 明 行 忍、 如 相 顚 故 若 名 空 是 識 離 無 部 倒 得 如 爲 名 癡 無 諸 無 是 空 念 造 受 取 經 無 無 相 受 惡 經 記 空 相 離 慧 無 知 陰 無 中 諸 想 無 忍 無 非 捨 諸 邊 量 界 行 無 相 此 無 念 復 佛 善 入 岸 劫 亦 垢 眼 識 有 佛 子 性 無 空 非 無 色 無 他 即 是 法 譬 恶 彼 淨 相 耳 £ 方 已 乃 岸 離 如 不 名 聲 無 滅 鼻 淨 有 取 至 爲 非 去 諸 空。 智 求 亦 人 著 中 無 香 相 慧 法 仰 是 無 空 流 來 舌 色 名 空 名 是 無 味 無

寶 皆 過 後 切 値 生 字 便 憐 塔 爲 是 復 樂 令 者 ___ 識 愍 具。 + 供 値 衆 轉 已 離 識 之 後 八 供 讀 養 輪 繫 空 生 億 舍 聖 復 萬 養 縛 字 廣 稨 利 王 値 四 諸 九 諸 人 受 求 佛 六 佛 後 以 千 萬 佛 山 持 佛 億 八 子 思 百 及 如 法 出 切 九 弟 千 如 議 所 行 + 萬 世 樂 子 諸 來 到 不 說 萬 具 衆 佛 奉 辟 說 而 行 於 杰 廣 迎 支 以 爾 言 得 此 過 宣 見 勸 佛 有 時 演 形 千 __ 空 請 供 亦 所 皆 去 傳 分 轉 養 百 以 得 爲 世 修 别 中 字。 諸 六 故 轉 時 習 IE JU 利 法 佛 + 事 輪 受 文 不 求 盆 持 衆 蕫 燕 輪 得 聖 善 威 引 佛 供 後 受 提 分 形 王 生 養 供 記 以 道 導 爾 此 明 起 養。 衆 七 時 於 得 書 如 即

字 實 水 性 力 所 燈 見 有 是 故 來 相 說 佛 所 示 如 百 字 蓝 難 精 教 亦 來 聞 得 干 空 不 未 利 勤 無 於 故 萬 法 喜 來 書 億 H 不 所 空 即 亦 度 思 懈 亦 者 普 法 得 不 諸 功 議 空 亦 得 牟 得 中 佛 受 現 空 德 是 於 尼 說 切 受 在 識 成 世 無 行 諸 無 記 諸 滿 亦 法 者 而 尊 法 如 生 如 空 亦 中 得 無 興 相 法 是 來 說 呵 空 所 度 m 出 忍 展 皆 諸 耨 諸 說 示 於 脫 得 轉 於 者 多 是 法 菩 亦 世 無 乃 空 薩 相 羅 亦 無 於 量 忍 至 法 於 積 三 空 受 空 得 百 已 中 藐 無 集 解 行 法 千 乃 値 說 得 當 衆 萬 者 中 得 然 諸 菩 善 受 中 亦 說 知 生 燈 法 說 提 方 空 是 佛 有 記 而 相 興。 有 此 便 從 法 文 無 然 以

者 害 若 觀 是 佛 得 故 量 得 所 法 不 有 察 名 信 回 漸 法 信 修 性 得 能 能 我 自 羅 如 忍 清 自 者 四 身 漢 得 得 此 淨 在 衆 之 我 五 無 信 入 知 當 如 應 陰 生 量 觀 事 新 石 實 假 知 自 於 心 十 發 諸 何 常 六 意 在 名 無 無 爲 佛 我 衆 住 始 波 因 塔 而 信 境 界。 無 諸 生 生. 糴 緣 薩 如 信 是 蜜 是 衆 死 我 滅 觀 誠 以 觀 即 中 妄 得 生 除 四 心 無 察 無 常 無 想 m 無 敬 量 部 作 執 未 爲 我 耨 明 除 仰 智 者 能 著 多 生 無 生 諸 爱 乃 樂 究 無 老 有 不 羅 起 煩 可 衆 見 竟 作 病 -----諸 菩 得 惱 藐 是 提 者 死 法 妄 生 行 解 名 亦 之 性 ---何 得 見 信 非 所 當 菩 順 無 以 佛 辟 結 是 受 侵 先 忍 故 提 支 縛 語 思

提 終 深 爲 業 菩 功 菩 生 薩 薩 施 之 不 心 度 修 相 德 修 大 供 هي ا 退 求 無 具 持 知 養 品 教 失 间 悲 而 足 信 邊 化 無 耨 衆 故 故 修 順 第 種 衆 上 多 生 不 作 + 無 忍 已不 善 生 菩 令 住 爲 羅 相 根 亦 提 無 修 無 心 藐 分 爲 久 何 餘 善 而 者 當 發 謂 故 爲 根 ____ 1 爲 心 爲 苦 求 未 不 成 +, 求 提 住 切 菩 嘗 最 者 法 諸 佛 住 涅 提 上 常 故 者 佛 槃 眞 故 於 法 樂 苦 以 子 是 妙 作 不 忍 見 苦 尊 薩 業 捨 名 智 敬 佛 是 深 薩 苔 故 有 心 以 發 成 薩 不 爲 塔 供 已 就 摩 產 無 捨 爲 養 所 + 詗 上 生 諸 於 法 珍 菩 旌 衆 法 諸 死

於 已 自 藏 七 惜 佛 師 經 相 能 典 無 住 八 者 身 法 過 聽 不 爲 於 者 發 命 F 欲 恶 法 可 得 勤 六 壞 菩 解 法 勤 無 思 說 亦 是 修 者 能 求 厭 提 議 見 方 終 能 法 行 讀 四 示 諸 者 教 勸 已 求 誦 便 所 不 若 導 受 如 衆 令 利 說 謂 退 喜 失 令 持 是 乃 其 見 能 生 比 菩 恐 開 多 讀 等 至 和 生 合 衆 畏 方 丘 薩 悟 誦 僧 衆 H. 切 應 生 如 等 苦 偈 惱 者 壞 入 所 大 令 大 當 生 爲 是 爲 法 若 如 菩 說 乘 慈 悲 見 是 薩 法 行 甚 作 不 部 或 成 中 深 救 絕 種 修 如 互 十 行 護 專 土 是 就 所 經 起 邪 如 者 說 法 施 心 經 此 諍 能 是 入 諸 以 護 惡 經 住 訟 增 開 如 + 法 九 蕃 無 法 共 悟 薩 上 是 法 中 者 畏 不

能 惱 種 福 者 無 Ŀ 現 因 引 破 德 是 菩 導 大 相 量 在 是 續 諸 諸 四 果 無 提 具 火 經 燈 報 人 邊 當 佛 能 能 不 縛 及 斷 所 等 衆 消 廣 之 成 衆 諸 能 以 宣 因 所 悉 生 生 緣 救 令 魔 者 得 得 流 護 切 生 業 無 何 猛 聞 菩 發 布 念 起 能 量 是 利 是 若 薩 其 如 諸 壤 苦 經 不 經 是 有 無 心 惱 能 若 動 行 可 經 善 是 能 衆 切 開 思 有 典 男 之 經 外 議 於 行 能 斷 生 無 善 子 是 慳 能 量 大 闔 善 爲 道 男 邪 清 女 向 貪 照 智 子 浮 經 見 人 菩 淨 慧 善 提 能 破 能 切 女 使 欲 爲 戒 飛 提 慧 瞋 眼 人 勤 過 者 滅 無 不 不 患 明 能 聞 斷 修 去 可 而 使 是 習 未 懈 切 癡 稱 絕 作 佛 量 闇 經 令 無 來 生 怠 煩

若 故 經 讀 行 量 聞 障 亂 滅 意 莊 所 是 能 誦 諸 是 無 無 愚 緣 佛 餘 明 解 嚴 此 故 經 E 癡 其 行 深 能 障 無 無 經 六 邊 當 令 智 義 者 種 歡 上 喜 極 大 障 故 得 趣 知 善 重 聞 根 爱 切 習 如 菩 興 此 病 樂 說 提 發 人 是 所 善 障 取 能 修 故 無 所 經 以 生 法 行。 當 要 除 熾 所 量 獲 者 希 言 自 業 大 何 然 獲 福 有 慶 增 之 闡 切 誓 報 此 福 心 報 長 諸 願 幸 當 此 德 無 經 障 若 經 佛 亦 故 量 獲 是 知 是 能 法 於 復 攝 大 有 無 -受 邊 善 世 人 善 令 障 Bol 如 僧 是 所 利 諸 以 男 煩 ----惱 佛 曾 子 切 祇 切 以 岩 無 供 善 障 劫 有 諸 者 有 之 惡 養 法 諸 衆 誉 所 女 以 限 何 人。 見 寫 消 履 無 無 量 生 此

音 發 藐 智 人 供 中 盡 在 養 釋 菩 慧 已 便 智 髑 ---或 莊 髏 說 菩 紹 香 應 提 土 佛 其 搜問 提 華 起 嚴 城 心 薄徒 邑 塔 妓 論 於 種 福 候谷 卷 樂 聚 何 報 未 况 亦 切切 復 懸 下 洛 以 來 肘 寺 故 世 具 繒 不 終 骨砂 當 足 幡 廟 是 能 燕 得 眞 受 蓋 節柳 精 質 受 歌 舍。 若 持 也切 臗 當 記 正 有 經 唄 决 者 讚 法 法 知 风苔 定 是 歎 所 師 是 也官 諸 4II 當 說 合 中 出 胜 是 成 人 掌 即 生 等 股铢 阿 恭 有 處 經 成 處 耨 敬 法 故 也藏 當 就 身 多 當 是 切 脛 若 功 羅 知 經 知 德 是 人 隨 是 定胡 -



